



MODELO CONVENIO ENTRE O INSTITUTO GALEGO DE PROMOCIÓN ECONÓMICA (IGAPE) E ASOCIACIÓN NACIONAL DE CRIADORES DE GANADO VACUNO SELECTO DE RAZA RUBIA GALLEGA (ACRUGA) CO FIN DE ACOLLER BOLSEIROS/AS DE INTERNACIONALIZACIÓN.

En Santiago de Compostela, a 04 de Xullo de 2016

REUNIDOS

Dunha parte, o Sr. D. Javier Aguilera Navarro, en representación do Instituto Galego de Promoción Económica (Igape), con CIF Q 6550010J e domicilio en Complexo Administrativo de San Lázaro s/n 15703 Santiago de Compostela. (A Coruña). Está facultado para este acto segundo o acordo de delegación de facultades do Consello de Dirección do Igape de data 29 de marzo de 2012 (DOG núm. 78, do 24 de abril de 2012).

E doutra parte, o Sr. D. César Dorado Pin en representación da Asociación Nacional de criadores de ganado vacuno selecto de raza rubia gallega (ACRUGA), con CIF G-27007061 e domicilio na rúa Ramón Montenegro, nº 18, 27002, Lugo

As partes recoñécense mutuamente capacidade xurídica suficiente,

EXPOÑEN

- 1.- Que mediante Resolución da Dirección Xeral do Igape do 23 de outubro de 2015 publicáronse as bases reguladoras do Programa de adquisición de competencias profesionais en materia de internacionalización empresarial.
- 2.- Que estas bases regulan a concesión dun máximo de 60 bolsas de formación práctica -no ámbito da internacionalización empresarial- para realizar labores de investigación de mercados, estudo de empresas e a súa planificación para internacionalización e, para investigación das posibilidades de cooperación internacional entre empresas galegas e estranxeiras.
3. -Que os posibles destinos dos bolseiros indicados nas bases son: oficinas da rede Pexga, antenas Igape no estranxeiro, oficinas comerciais de España no exterior, cámaras de comercio españolas no estranxeiro, organismos multilaterais, Igape, organismos intermedios galegos, centros de investigación, empresas e/ou outros organismos en Galicia ou no estranxeiro.
- 4.- Que ambas organizacións coinciden no interese de colaborar en accións que faciliten o acceso das empresas a novos mercados, a formación de persoal especializado en internacionalización, e acceso das empresas galegas a profesionais con este perfil.
- 5.- Que, convido aos lexítimos intereses dos comparecentes, acordan regular a dita colaboración de acordo coas seguintes



CLÁUSULAS

PRIMEIRA.-

É obxecto do presente convenio regular as relacións de colaboración entre o Igape e ACRUGA para a acollida de un bolseiro da convocatoria de bolsas de internacionalización do Igape.

SEGUNDA.-

A duración inicial da bolsa no organismo de acollida é de 11 meses e, a data de comezo estímase durante o mes de xullo de 2016 (11/07/2016). A dita duración poderá ser prorrogada polo Igape por un período máximo de doce meses adicionais en consideración á conveniencia de finalizar etapas de formación que xa estivesen comezadas ou a piques de comezar na data de finalización da bolsa, sempre e cando ACRUGA acepte a prolongación da estadia.

A dotación da bolsa será pagada integramente polo Igape ao bolseiro, e inclúe todos os impostos de carácter persoal así como a Seguridade Social. O Igape non aboará ningunha cantidade á entidade colaboradora. No caso de que das tarefas encomendadas polo organismo se incurra noutros gastos non cubertos polas bases reguladoras do programa, estes gastos serán por conta do organismo.

O Igape asignará o bolseiro a ACRUGA tendo en conta a puntuación final obtida polo bolseiro na resolución definitiva, e as súas preferencias.

O Igape poderá substituír ao bolseiro no caso de renuncia do bolseiro anterior ou por cambio de destino por causa xustificada.

TERCEIRA.-

A colaboración de **ACRUGA** consistirá en:

- A execución, dentro do horario laboral, do plan de formación plantexado por ACRUGA, que se une como anexo ao presente convenio.
- A realización, a través do(s) titor(es) proposto(s) e que se indica no anexo ao presente convenio, do seguimento da actividade desenvolta polo bolseiro dentro do programa de formación establecida, e a provisión do asesoramento necesario para o seu correcto desenvolvemento e integración.
- A realización e envío ao Igape de informes acumulados trimestrais de execución e resultados do programa de formación, así como o informe final.
- Permitir a execución por parte do bolseiro de tarefas complementarias que o Igape lle poida asignar así como a participación en reunións, seminarios,... aos que o bolseiro sexa convocado polo Igape, sendo neses casos por conta do Igape os gastos de desprazamento, que se aboarán directamente ao bolseiro como parte da dotación da bolsa.
- A posta a disposición das instalacións e os medios apropiados para o desenvolvemento da bolsa.
- A inclusión do bolseiro no plan de prevención de riscos de ACRUGA, asegurándose de que é coñecedor do dito(s) plan(s).
- O bolseiro deberá cumprir co réxime de ordenamento interno de ACRUGA.
- Subministrar toda a información necesaria para que o Igape poida dar cumprimento ás obrigas previstas no Título I da Lei 1/2016, do 18 de xaneiro, de transparencia e bo goberno. As consecuencias do incumprimento desta obriga serán as establecidas no artigo 4.4 da devandita lei.



CUARTA.-

As actividades do beneficiario serán en todo caso formativas, sen que en ningún suposto poida ostentar a condición de responsable, nin tan sequera de facto, da execución de calquera tipo de actividade. O bolseiro deberá estar en todo momento supervisado e controlado polo titor que se lle designe, que será quen adopte calquera decisión que se considere necesaria e vele porque o beneficiario aproveite con éxito o proceso de formación.

Os dereitos e obrigas establecidas en virtude do presente convenio de colaboración non presupoñen relación laboral nin de servizos entre ACRUGA e o bolseiro.

QUINTA.-

A entrada en vigor do convenio será desde a data efectiva de incorporación do bolseiro a ACRUGA. A súa duración será de 11 meses podendo prorrogarse por doce meses adicionais se existe conformidade ao respecto polas dúas partes.

SEXTA.-

As controversias que puidesen xurdir da interpretación do presente convenio resolveranse por unha Comisión Mixta constituída por un representante designado por cada unha das partes e presidida polo director xeral do Igape, a cal se reunirá a convocatoria de calquera dos seus membros, poñendo os seus acordos fin á vía administrativa e correspondendo contra os mesmos recurso contencioso-administrativo ante os Xulgados de Santiago de Compostela.

SÉTIMA.-

As partes poderán modificar ou resolver o presente convenio en calquera momento por mutuo acordo. Así mesmo, poderán denunciar o presente convenio en calquera momento por vontade expresa de calquera das partes cun preaviso de quince días naturais.

A entidade colaboradora someterase aos mecanismos de inspección e de control que o Igape considere convintes, vinculadas ás actividades formativas dos beneficiarios en relación coa bolsa concedida.

O incumprimento de calquera das obrigas contraídas no presente convenio por unha das partes facultará á outra para resolver o mesmo, cos efectos que legalmente procedan.

OITAVA.-

O presente convenio ten natureza administrativa e rexerase polas súas propias cláusulas e no disposto por elas, polas normas de Dereito Público español, isto é, a Lei 30/92, do 26 de novembro, de réxime xurídico das administracións públicas e do procedemento administrativo común e demais normas subsidiarias.

O presente convenio obriga ao cumprimento do expresamente pactado, someténdose as partes ao acordado en tódalas estipulacións, e como proba de conformidade asínase por duplicado exemplar no lugar e data arriba indicados.

Polo Igape:

Por ACRUGA:

Asdo.: Javier Aguilera Navarro

Asdo.: César Dorado Pin



ANEXO PLAN DE FORMACIÓN	
NOME TITOR BOLSEIRO:	María José Rodríguez Morodo
MERCADOS DE INTERESE:	Mercados activos actualmente: Portugal, Polonia, Brasil, México, Italia. Mercados con presencia no pasado: USA, Nicaragua, Panamá, Venezuela, Argentina, Uruguay, Paraguay, Chile. Mercados en contacto: Lituania, Bulgaria, Francia, Turquía, Colombia, Marruecos, Angola, Indonesia, Australia, China.
ACCIONS INTERNACIONALIZACIÓN PREVISTAS 2016/2017:	ACRUGA ten en previsión para o ano 2016 as seguintes viaxes con fins comerciais: - Misión comercial a Indonesia - Misión comercial a México - Misión comercial de Indonesia a Galicia. - Misión comercial de México a Galicia. Ademáis está previsto a elaboración de material informativo e promocional da raza Rubia Galega, tal como catálogos de sementais, folletos, revistas, carteis..., así como power points explicativos en español e inglés para a impartición de charlas a integrantes dos diferentes países interesados na raza Rubia Gallega. Así mesmo, existe previsión de envío de diferentes pedidos de seme de raza Rubia Galega a países como Brasil, Polonia, Portugal, México, Italia, Turquía e Indonesia, que hai que xestionar.
PLAN DE TRABAJO E TAREFAS DO BOLSEIRO:	■ Recuperar o contacto con antigos clientes, promocionar a raza para intentar reactivar os mercados nos que estivemos presentes. ■ Axudar na apertura dos novos mercados sobre todo en Asia e África. ■ Elaborar material promocional, publicitario, informativo sobre a raza para presentala no exterior (en español e inglés). ■ Axudar coa xestión documental das exportacións de semen (flete, despacho aduanas, certificaciones, etc.). ■ Posibilidade de acompañar a membros da empresa nas visitas comerciais ao estranxeiro.